

今次就同大家介紹吓如何使用升級版滙豐網上股票掛鈎投資平台嘅全新介面同功能，等大家用得可以更得心應手。喺投資前，大家可以先登入滙豐個人網上理財，並將鼠標移動到「我的投資」，再點擊「股票掛鈎投資及結構投資票據」。

唔知點入手？我哋嘅導覽式搜尋就係最好嘅起點喇！喺「產品清單」頁面，您可以喺右上角搵到「需要幫助以尋找產品？」按鈕。點擊後，可以利用導覽式搜尋按照自己嘅選擇條件收窄範圍，搵出想要嘅產品。

對進階投資者嚟講，篩選功能可以令您輕鬆搵到想要嘅產品。點擊左上角嘅「篩選」按鈕打開介面。喺「篩選」功能下，您可以設置唔同嘅搜索條件，包括貨幣、投資期、現金紅利率、特點，以及產品種類。

如果仲未搵到想要嘅產品，您亦可以點擊「建立您的每日現金紅利可贖回股票掛鈎投資產品」按鈕，然後選擇 1. 「建立您自己的產品」或 2. 「參考現有產品」，用呢兩種方法建立自己嘅產品。依家就先帶大家了解吓點樣由零開始構建自己嘅產品啦！

點擊「建立您自己的產品」，您可以選擇最多 4 個掛鈎資產，同時亦可設置您嘅投資金額、投資期、票息類型、贖回價、生效價。並以行使價或現金紅利率獲取報價。所設置嘅產品參數會連同掛鈎資產嘅過往表現顯示喺左面圖表上以供參考。設置好產品參數後，就可點擊「獲取報價」繼續。再查閱報價結果，然後點擊「確認並建立產品」或者左下角嘅「儲存」，於同一登錄下查看已儲存嘅報價。

除咗由零開始建立您嘅產品之外，仲可以參考我哋嘅現有產品。首先選擇一項現有產品，按照您嘅偏好作出更改，以建立出您嘅產品。如果您想認購較早前已儲存報價嘅產品，可以點選「管理您已儲存的報價」，於同一登錄下您可以喺呢度瀏覽、編輯及刪除已儲存嘅報價。

當您搵到有興趣嘅產品後，您可以細閱產品詳情並提交交易指示。於已選擇嘅產品旁邊，點選向下嘅箭嘴，展開並獲取更多產品資料。如果您想了解指定產品術語，可以將鼠標移到問號上，以獲得更多詳細解釋。從頁面向下滑，您會見到掛鈎資產嘅部分，詳細展示您所選擇嘅掛鈎資產過往嘅表現及圖表。

當您細閱產品詳情及銷售文件並決定認購產品，您可點選「投資此產品」。揸完之後您會去到一個新頁面，然後填上您嘅交易詳情並完成合適性評估，再點選「預覽指示」。嚟到提交交易指示前嘅最後一步。遞交前記得確保同檢查所有交易詳情都係正確無誤，同埋細閱「客戶聲明」及剔選下方嘅方格。點選「確認指示」，然後您會見到確認通知。

當產品交易指示成功執行，您可以喺左上角點選「投資組合」，查閱您持有嘅股票掛鈎投資產品組合。您可以喺呢度下載條款單張，並參考現有產品參數建立類似產品。同一頁亦有「目前表現」部分，您可以查閱自動贖回事件及生效事件嘅狀態。

立即體驗全新網上股票掛鈎投資平台，享受我哋更完善嘅結構投資產品！